

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 415846 22 St 2
Tuzla, 22.06.2022.godine

OPĆINSKI SUD U TUZLI, sudija Antonela Đaković, u postupku predhodnog ispitivanja prijedloga za otvaranje stečajnog postupka nad dužnikom „**NAŠE PILE**“ d.o.o. za **proizvodnju i promet roba i usluga, export-import Živinice, ul. Pašage Gogića br. 37**, dana 22.06.2022.godine donio je sljedeće:

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika „**NAŠE PILE**“ d.o.o. za **proizvodnju i promet roba i usluga, export-import Živinice, ul. Pašage Gogića br. 37, MBS:32-01-0173-18.**

Za privremenog stečajnog upravnika imenuje se Maja Musemić iz Tuzle, ul. M. Tita br. 60 , Tuzla.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju FBiH (Službene novine FBiH br. 53/21), a naročito:

- **obezbijediti imovinu dužnika i starati se o istoj,**
- **ima ovlaštenja da uđe u poslovne prostorije dužnik i provede neophodne radnje,**
- **utvrditi da li postoji razlog za otvaranje stečajnog postupka,**
- **ispitati da li će imovina stečajnog dužnika pokriti troškove stečajnog postupka,**
- **utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka**
- **uraditi kontrolu poslovanja stečajnog dužnika**
- **kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.**

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Živinicama i Službi za geodetske i imovinsko-pravne poslove grada Živinice, radi upisa zabilješke otvaranja prethodnog stečajnog postupka.

O b r a z l o ž e n j e

Predlagač „NAŠE PILE“ d.o.o. Živinice, ul. Pašage Gogića br. 37, podnio je dana 15.12.2021.godine ovom sudu prijedlog za otvaranje stečajnog postupka nad navedenim privrednim subjektom, zbog platežne nesposobnosti dužnika koji nije u stanju izvršavati svoje dospjele i potraživane obaveze plaćanja u dužem vremenskom periodu.

Stečajni sudija je zakazao ročište za saslušanje predlagača za dan 15.03.2022.godine na kojem je predlagač izjavio da u cjelosti ostaje kod podnesenog prijedloga za otvaranje stečajnog postupka, jer je društvo platežno nesposobno, te je prestalo sa radom. Društvo u svom sastavu ima podružnicu pod nazivom: „NAŠE PILE“ d.o.o. za proizvodnju i promet roba i usluga, export-import Živinice, Podružnica broj 1. ul. Pašage Gogića 37 B. Društvo nema imovine kako pokretne tako i nepokretne, nema zaposlenika, nema aktivnih sudskih sporova. Račun društva otvoren kod Sberbank BH dd je blokiran zbog dugovanja prema UIO BiH, RC Tuzla cca 4.000,00 KM. Na osnovu priložene dokumentacije i to: Odluka o prestanku rada društva i pokretanju stečajnog postupka od 14.12.2021.godine; Izvještaj o računima poslovnog subjekta o blokadi računa od 07.02.2022.godine; Uvjerjenje Porezne uprave FBiH, KPU Tuzla, PI Živinice od 10.02.2022.godine; Aktuelni izvod iz sudskog registra od 09.02.2022.godine; Bilans uspjeha za period od 01.01. do 31.12.2021.godine; Bilans stanja na dan 31.12.2021.godine; Uvjerjenje UIO BIH, RC Tuzla broj: 02/6/IV-16-11-39-1919-1, od 21.03.2022.godine, predlagač je učinio vjerovatnim platežnu nesposobnost dužnika.

Stečajni sudija je nakon što je utvrdio da je prijedlog za pokretanje stečajnog postupka podnesen od strane ovlaštenog predlagača i da je isti dopušten u smislu odredbe člana 58. stav 2. i 13. Zakona o stečaju postupku, dana 22.03.2022. godine rješenjem naložio predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka. Kako predlagač u spis suda nije dostavio dokaz o uplaćenom predujmu za finansiranje troškova prethodnog postupka, sud je Rješenjem od 04.05.2022.godine odbacio prijedlog za otvaranje stečajnog postupka. Međutim zakonski zastupnik predlagača Alma Džananović je dana 09.06.2022.godine u spis suda dostavila dokaz da je izvršena uplata predjuma u iznosu od 3.000,00 KM, nakon čega je sud dana 09.06.2022.godine donio Rješenje kojim se stavlja van snage Rješenje ovog suda kojim se odbacuje prijedlog za otvaranje stečajnog postupka, te se predmet vraća u fazu prethodnog stečajnog postupka. Imajući u vidu podnesenu dokumentaciju i izjavu zakonskog zastupnika dužnika na ročištu za saslušanje, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.). Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu u Tuzli putem ovog Suda.